

## ხელშეკრულება სახელმწიფო შესყიდვების შესახებ № 24

აუქციონის გარეშე ელექტრონული ტენდერი NAT200020654

წინამდებარე ხელშეკრულება დაიდო 2021 წლის 16 თებერვალს ქ.თბილისში

**შემსყიდველი:** სსიპ - სახელმწიფო ქონების ეროვნული სააგენტო, წარმოდგენილი მისი ადმინისტრაციული დეპარტამენტის სახელმწიფო შესყიდვების სამსახურის უფროსის სოფიო ტურიაშვილის სახით

**საინდეტიფიკაციო კოდი:** 205005910

**მისამართი:** ქ. თბილისი, ჭავჭავაძის გამზ. 49ა, ტელეფონი 299-11-08

**საბანკო რეკვიზიტები:** სახელმწიფო ხაზინა, ბანკის კოდი TRESGE22, ანგარიშის ნომერი: GE24NB0330100200165022

**მიმწოდებელი:** შპს „აა პლასტი“, წარმოდგენილი მისი დირექტორის ლევან ბიწაძის სახით

**საინდეტიფიკაციო კოდი:** 206271826

**მისამართი:** ქ. თბილისი, სამგორის რაიონი, ქვემო ალექსეევკის დასახლება, **ტელეფონი:** +995 593980535,

**ელ. ფოსტა:** aaplast@gmail.com

**საბანკო რეკვიზიტები:** სს თბილისი ბანკი, ბანკის კოდი TBCBGE22, ანგარიშის ნომერი: GE39TB7367236060100002

ერთი მხრივ \_ **შემსყიდველი**, და მეორე მხრივ \_ **მიმწოდებელი**, „სახელმწიფო შესყიდვების შესახებ“ საქართველოს კანონის და მიმწოდებლის სატენდერო წინადადების საფუძველზე, აუქციონის გარეშე ელექტრონული ტენდერის (NAT200020654) ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას შემდეგზე:

### 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში \_ „ხელშეკრულება“) \_ შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ \_ საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელმაც მოიპოვა გამარჯვება აუქციონის გარეშე ელექტრონულ ტენდერში და ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ -სატენდერო დოკუმენტაციის ტექნიკური დავალება, რომელიც ხელშეკრულების განუყოფელი ნაწილია.

### 2. ხელშეკრულების საგანი

2.1. შესყიდვის ობიექტს წარმოადგენს: სასაწყობე მეურნეობებისთვის შესაფუთი ტომრების და და სავაჭრო ობიექტებისთვის ბიოდეგრადირებადი/კომპოსტირებადი პარკების - **CPV18937000** (შემდგომში საქონელი) სახელმწიფო შესყიდვა, დანართის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

2.2 ხელშეკრულებით გათვალისწინებული შესყიდვის ობიექტის დეტალური აღწერა და პირობები მოცემულია ტექნიკურ დავალებაში, რომელიც ხელშეკრულების განუყოფელი ნაწილია.

### 3. ხელშეკრულების ღირებულება

3.1. ხელშეკრულების ღირებულებაა **38 645.00** (ოცდათვრამეტი ათას ექვსას ორმოცდახუთი) ლარი, დღგ-ს ჩათვლით.

- 3.2. ერთეულის ღირებულება განსაზღვრულია დანართით, რომელიც წარმოადგენს წინამდებარე ხელშეკრულების განუყოფელ ნაწილს.
- 3.3. ხელშეკრულების ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ გადასახადებს.

#### **4. მხარეთა უფლება-მოვალეობები**

##### **4.1. მიმწოდებელი ვალდებულია:**

- 4.1.1. შემსყიდველს მიაწოდოს ხელშეკრულებით განსაზღვრული საქონელი, რომელიც შეესაბამება ტექნიკური დავალებით განსაზღვრულ მოთხოვნებს;
- 4.1.2. შესყიდვის ობიექტის მიწოდების პროცესში არსებული შეფერხების შესახებ აცნობოს შემსყიდველს.
- 4.1.3. დანართის პირველი, მეორე და მესამე პოზიციით განსაზღვრულ შესყიდვის ობიექტი დაამზადოს საქართველოს მთავრობის 2018 წლის 14 სექტემბრის №472 დადგენილებით განსაზღვრული სტანდარტიზაციის ევროპული კომიტეტის EN 13432:2000 სტანდარტის შესაბამისობად.

##### **4.2. მიმწოდებელი უფლებამოსილია:**

- 4.2.1. შემსყიდველს მოსთხოვოს ხელშეკრულებით ნაკისრი ვალდებულებების შესრულება.

##### **4.3. შემსყიდველი ვალდებულია:**

- 4.3.1. განახორციელოს წინამდებარე ხელშეკრულებით გათვალისწინებული მოთხოვნების დაცვით მიწოდებული საქონლის ღირებულების ანაზღაურება.
- 4.3.2. შესყიდვის ობიექტი შეინახოს მზისგან და წვიმისგან დაცულ, მშრალ საწყობში.

##### **4.4. შემსყიდველი უფლებამოსილია:**

- 4.4.1. მიმწოდებლისგან მოითხოვოს საქონლის მიწოდება წინამდებარე ხელშეკრულებით გათვალისწინებულ დროსა და ადგილას;
- 4.4.2. შეამოწმოს საქონლის ხარისხი;
- 4.4.3. მონიტორინგის შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ვალდებულებების დარღვევის გამოსწორების შესახებ ან შეწყვიტოს (არ განახორციელოს) მიმწოდებლის დაფინანსება.

#### **5. ანგარიშსწორების ფორმა და ვადები**

- 5.1. შესყიდვის ობიექტის ანაზღაურება განხორციელდება წინამდებარე ხელშეკრულების 5.2 პუნქტით გათვალისწინებული დოკუმენტაციის წარმოდგენიდან 10 (ათი) სამუშაო დღის განმავლობაში.
- 5.2. ანგარიშსწორება მიმწოდებელთან განხორციელდება მიღება-ჩაბარების აქტის გაფორმებისა და მიმწოდებლის მიერ სასაქონლო ზედდებულის და ანგარიშფაქტურის წარდგენის საფუძველზე.
- 5.3. დაფინანსების წყარო: 2021 წლის საკუთარი შემოსავლები.
- 5.4. ანგარიშსწორების ვალუტა: ლარი.
- 5.5. ანგარიშსწორების ფორმა: უნაღდო.

#### **6. მიღება-ჩაბარების წესი**

- 6.1. წინამდებარე ხელშეკრულებით გათვალისწინებული საქონლის გადაცემის დადასტურების მიზნით, შემსყიდველსა და მიმწოდებელს შორის ფორმდება მიღება-ჩაბარების აქტი.
- 6.2. შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება ადმინისტრაციული დეპარტამენტის ლოჯისტიკის სამსახურის მთავარ სპეციალისტს ზაზა მაცაბერიძეს და/ ან ამავე სამსახურის მთავარ სპეციალისტს გიორგი თარგამაძეს.

#### **7. საქონლის მიწოდების ადგილი და ვადა**

- 7.1. ხელშეკრულებით გათვალისწინებული შესყიდვის ობიექტის მიწოდება ხორციელდება ხელშეკრულების გაფორმებიდან ერთიანად, 20 (ოცი) კალენდარული დღის განმავლობაში.
- 7.2. ხელშეკრულებით გათვალისწინებული შესყიდვის ობიექტის მიწოდების ადგილია . თბილისი, ი. ჭავჭავაძის გამზ. №49ა.

7.3. შესყიდვის ობიექტი უნდა იყოს ახალი, მაღალი ხარისხის და არ უნდა ავლენდეს დეფექტს, უნდა შეესაბამებოდეს შემსყიდველის მოთხოვნებს.

7.4. შესყიდვის ობიექტის ტრანსპორტირებას მიმწოდებელი უზრუნველყოფს საკუთარი ხარჯებით, შემსყიდველის მხრიდან რაიმე დამატებითი ხარჯის გაწევის გარეშე.

#### **8. ხელშეკრულებით ნაკისრი ვალდებულებების შესრულების ინსპექტირება**

8.1. ხელშეკრულებით ნაკისრი ვალდებულებების შესრულების ინსპექტირებას განახორციელებს რთული შემთხვევების მართვის დეპარტამენტის მკაცრი აღრიცხვის ფორმების სამასახურის უფროსი სპარტაკ დათაშვილი.

8.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

#### **9. პირგასამტეხლო ხელშეკრულების პირობების შეუსრულებლობისათვის**

9.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის, არაჯეროვანი შესრულების ან/და დაგვიანებით შესრულებისათვის ხელშეკრულებით და საქართველოს კანონმდებლობით დადგენილი წესით.

9.2. ფორს-მაჟორული გარემოებების არსებობის გარდა, მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება სანქციები, რომელთა ფორმა, ოდენობა, გამოყენების წესი განსაზღვრულია წინამდებარე ხელშეკრულებით.

9.3. მიმწოდებლის მიერ ნაკისრი ვალდებულებების არაჯეროვანი შესრულებისათვის (მათ შორის, ვალდებულების შესრულების ვადაგადაცილების შემთხვევაში) შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02 %-ის ოდენობით.

9.4. მიმწოდებლის მიერ ხელშეკრულების ნაწილობრივ შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

9.5. ვალდებულების ნაკიალ შესრულებად ჩათვლება მიწოდება საქონლის, რომელიც არ არის მხარეების მიერ შეთანხმებული ხარისხის მქონე ან ასეთი შეთანხმების არარსებობის შემთხვევაში, გამოსადგეი ჩვეულებრივი სარგებლობისათვის.

9.6. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9.7. შემსყიდველის მოთხოვნის უფლება მიმწოდებლის მიერ ვალდებულების შეუსრულებლობის ან/და არაჯეროვანი შესრულების შემთხვევაში პირგასამტეხლოს დაკისრების თაობაზე, მოქმედებს ხელშეკრულების შეწყვეტამდე. ხელშეკრულების შეწყვეტის შემთხვევაში შემსყიდველი არ მოითხოვს ამ ხელშეკრულების შესაბამისად გადახდას.

#### **10. ხელშეკრულებაში ცვლილების შეტანა და ხელშეკრულების შეწყვეტა**

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

#### **11. დაუძლეველი ძალა**

11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.

აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

## **12. დავები და მათი გადაწყვეტის წესი**

12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

## **13. ხელშეკრულების მოქმედების ვადა**

13.1 ხელშეკრულება ძალაში შედის მხარეთა მიერ მისი ხელმოწერის დღიდან და მოქმედია 2021 წლის 30 აპრილის ჩათვლით.

## **14. მხარეთა ხელმოწერები**

შემსყიდველის მხრიდან

მიმწოდებლის მხრიდან

ადმინისტრაციული დეპარტამენტის სახელმწიფო  
შესყიდვების სამსახურის უფროსი  
სოფიო ტურიაშვილი

დირექტორი

ლევან ბიწაძე

*ხელშეკრულება შედგენილია ქართულ ენაზე, ფორმდება ელექტრონულად და ხელმოწერილია მხარეთა უფლებამოსილი წარმომადგენლების მიერ „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-4 მუხლის შესაბამისად, რომლის ყველა ეგზემპლარი ორიგინალია.*

| #                      | შესყიდვის ობიექტის<br>დასახელება და აღწერილობა                                                                                                                                                  | ზომა           | წონა      | გამშლეობის<br>მინიმალური<br>შესაძლებლობა | ზომის<br>ერთეული | რაოდენობა | ერთეული<br>ფასი<br>(დღგ-ს<br>ჩათვლით) | საერთო<br>ფასი (დღგ-<br>ს<br>ჩათვლით) | წარმოშობის<br>ქვეყანა და<br>მწარმოებელი<br>კომპანია |
|------------------------|-------------------------------------------------------------------------------------------------------------------------------------------------------------------------------------------------|----------------|-----------|------------------------------------------|------------------|-----------|---------------------------------------|---------------------------------------|-----------------------------------------------------|
|                        | 1                                                                                                                                                                                               | 2              | 3         | 4                                        | 5                | 6         | 7                                     | 8                                     | 9                                                   |
| 1                      | სავაჭრო ობიექტის პარკი<br>სააგენტოს მაღაზიის (კალათა)<br>და (eauction.ge)- ს<br>ლოგოტიპებითა და<br>დასახელებით                                                                                  | 23 X 30 სმ     | 10 გრ     | 2.5 კგ                                   | ცალი             | 10000     | 0.2124                                | 2124.00                               | საქართველო<br>შპს აა<br>პლასტი                      |
| 2                      | სავაჭრო ობიექტის პარკი<br>სააგენტოს მაღაზიის (კალათა)<br>და (eauction.ge)- ს<br>ლოგოტიპებითა და<br>დასახელებით                                                                                  | 40 X 50 სმ     | 25 გრ     | 4.5 კგ                                   | ცალი             | 15000     | 0.5310                                | 7965.00                               | საქართველო<br>შპს აა<br>პლასტი                      |
| 3                      | სსიპ-სახელმწიფო ქონების<br>ეროვნული სააგენტოს პარკი                                                                                                                                             | 40 X 50 სმ     | 25 გრ     | 4.5 კგ                                   | ცალი             | 4000      | 0.5310                                | 2124.00                               | საქართველო<br>შპს აა<br>პლასტი                      |
| 4                      | გამჭვირვალე პოლიეთილენის<br>შესაფუთი ტომარა სააგენტოს<br>ლოგოტიპითა და<br>დასახელებით, რომელიც<br>დამზადებულია მაღალი<br>წნევის პირველადი<br>პოლიეთილენისაგან, არ<br>შეიცავს ქიმიურ დანამატებს. | 30 X 50 სმ     | 15 გრამი  | x                                        | ცალი             | 14000     | 0.1534                                | 2147.60                               | საქართველო<br>შპს აა<br>პლასტი                      |
| 5                      | გამჭვირვალე პოლიეთილენის<br>შესაფუთი ტომარა სააგენტოს<br>ლოგოტიპითა და<br>დასახელებით, რომელიც<br>დამზადებულია მაღალი<br>წნევის პირველადი<br>პოლიეთილენისაგან, არ<br>შეიცავს ქიმიურ დანამატებს. | 52 X 100<br>სმ | 55 გრამი  | x                                        | ცალი             | 14000     | 0.4956                                | 6938.40                               | საქართველო<br>შპს აა<br>პლასტი                      |
| 6                      | გამჭვირვალე პოლიეთილენის<br>შესაფუთი ტომარა სააგენტოს<br>ლოგოტიპითა და<br>დასახელებით, რომელიც<br>დამზადებულია მაღალი<br>წნევის პირველადი<br>პოლიეთილენისაგან, არ<br>შეიცავს ქიმიურ დანამატებს. | 72 X 140<br>სმ | 140 გრამი | x                                        | ცალი             | 14000     | 1.2390                                | 17346.00                              | საქართველო<br>შპს აა<br>პლასტი                      |
| სულ ჯამი დღგ-ს ჩათვლით |                                                                                                                                                                                                 |                |           |                                          |                  |           |                                       | 38645.00                              |                                                     |

დასტური ინტერესთა კონფლიქტის არარსებობის შესახებ

16 თებერვალი, 2021 წელი

გავეცანით „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს და ვადასტურებთ ხელმოწერით, რომ ჩვენი მონაწილეობა სსიპ - სახელმწიფო ქონების ეროვნული სააგენტოს მიერ NAT200020654 აუქციონის გარეშე ელექტრონული ტენდერის ფარგლებში, სასაწყობე მეურნეობებისთვის შესაფუთი ტომრების და სავაჭრო ობიექტებისთვის ბიოდეგრადირებადი/კომპოსტირებადი პარკების სახელმწიფო შესყიდვასთან დაკავშირებულ საქმიანობაში, რომელსაც ახორციელებს შპს „აა პლასტი“, არ იწვევს ინტერესთა კონფლიქტს.


ადმინისტრაციული დეპარტამენტის ლოჯისტიკის სამსახურის  
მთავარი სპეციალისტი

  
ზაზა მაცაბერიძე

ადმინისტრაციული დეპარტამენტის ლოჯისტიკის სამსახურის  
უფროსი სპეციალისტი

  
გიორგი თარგამაძე

ადმინისტრაციული დეპარტამენტის ლოჯისტიკის სამსახურის  
სპეციალისტი

  
გიორგი კენჭიაშვილი

ადმინისტრაციული დეპარტამენტის ლოჯისტიკის სამსახურის  
შტატგარეშე მომუშავე

  
გიორგი არტემიძე